


**EIN GESPRÄCH
MIT DER
FASTNACHT, VON
IHRER
EIGENSCHAFT**

Hans Sachs


germ. 176^d (16)

Sachs

[unvollständig]



P. o. germ. 176 2 / 10
Ein gesprech mit der
Faßnacht/von irer
Eygenschafft.



Hans Sachs.

Als ich am freytag nach fastnacht
Mit meinem peutel rechnung macht
Den ich sandt eytel ring vnd ler
Da wurd mir erst die fastnacht schwer
Vertrossen ich gleych außspacirt
Hinab an der pegnitz refirt
Bis gehn Schnigling wardt also ruckn
Hinab bis zu der Staynen pruckn
Von fern sach ich im sandt her ziehen
Ein grosses thier da wardt ich fliehen
Ich kundt nicht kennen was es was
Sein pauch war wie ein südlich faß
Sein ganzer leyß vol schellen rundt
Het starck zeen/ vnd ein weiten schlundt
Sein schwantz schewich war vnd beschorn
Das het weder augen noch ohren
Als ich floch etwas weyt von im
Rufft es sam mit menschlicher stim
Ich solt an schaden zu im gehn
Ich kreuzigt mich vnd bleyß stil stien
Bis das es zu mir fruch gemacht
Ich merckt wol es war mat vnd schwach
Noch hielt ichs für ein gspenst allwegn
Ich beschwur es mit ein guttn segn
Du seist ein thier/gayst oder gspenst

Gebent

Gebent ich dir das du dich nenst

Die Fastnacht.

Das ding sieng an gar laut vnd lacht
Kenst mich nit ich bin die Fastnacht
Sprach es/kenst nit mein weitr pauch
Mein starcke zeen/vnd grossen schlauch
Wie viel kuchen ich hab auff zert
Bis man mich Fastnacht hat ernert
Mit viel wilbret/vögel/fisch vnd gemüs
Sultz/pfeffer/eingmacht/saur vnd süs
Gepratens/gewürztes eingepicktes
Gesottens/pratens vnd gespicktes
Der gleych hab ich gelert viel keller
Mit francken wein/ vnd muscateller
Tagl mit rainfal vnd malfasier
Viel fesser auch mit frembdem bier
Kandel/krausen gemachet ler
Sam sunst nit gut zu trincken wer

Der Dichter.

Ich sprach wie tregstu so viel schellen
Die vmb dein ganzen leyß erhellen

Die Fastnacht.

Die Fastnacht sprach hie merck mit fleis
Viel törichter freud vnd abreis
Die vmb mich fastnacht alzeyt klingen

A ij Mit

Mit purſchen/ ſpil/ denz/ rayen ſpringen
Mit allerley ſewerwerck prennen
Mit krönlein ſtehn vnd ſcharpff rennen
Mit kolben ſtechen inn dem ſtro
Schwerd tenz/ reyſſ tenz iſt man auch fro
Viel Faſnacht ſpil bring ich herbey
Vnd anzal gar viel Numerey
Die ſich verummnen vnd verputzen
Eins thayls wie weyßer ſich auffmungen
Eins teyls wie münch/ eins teils wie morn
Eins theyls ſindt Zigeuner worn
Eins thayls pauren/ eins thayls narren
Darinn etlich vielzeyt verharren
Auch mancherley man ſahet an
Wer ſich der nerricht ſtellen kan
Der iſt der beſt vnd hat den preys
Von wegen nerricher abeys

Der Dichter.

Ich ſprach wie haſt ſo ſtarcke zeen
Die Faſnacht.

Sie ſprach da magſtu bey verſten
Viel penttel haß ich mit zerkiffet
Viel gelt ſeck darmit auffgetriſſet
Viel erbgütter haß ich zerſtrewet
Viel abtragens gelts mit zerkerwet

Viel

Viel karten hab ich mit zerissen
Viel würffel zornigklich zerbissen
Viel werckentag darmit zernagen
Viel böser ebn bild drin vertragen
Viel gutter sitten mit verkeret
Viel erbarkeyt darmit versert

Der Dichter.

Ich sprach du hast ein weyt n rachen
Die Fasnacht.

Da fieng die Fasnacht an zu lachn
Vnd sprach mein rach verschlungen hat
Geldt/ klayder/ pet/ zyn vnd hausrat
Gewyser/ vnd stedl/ ecker vnd wisen
Thet als durch mein rachen fließen
Das ich an anstöß hab verschlicket
Wer er nit weit ich wer ersticket

Der Dichter.

Ich sprach wie ist dein schwantz so mager
Dürz/ schienherich/ schewich vnd hager

Die Fasnacht.

Die Fasnacht sprach durch meine stück
Mir nachfleugt mancherley vnglück
Schuldt/ armut/ laster/ sündt vnd schandt
Schuldt zalen vnd versetzen pfandt
Was ich auff fras im vberflus

Manch haufuolet hart ersparen muß
Mit guten zenen vbel essen
Frü auff sten lang int nacht gefessen
Bös köpff vnd fieber auch nach lauffen
Meim grossen fressen vnd zusauffen
Der zipperlein vnd wasser sucht
Auch grosse hurweys vnd vnzucht
Juncckfraw schwechung vnd auch epruch
Falsch spiel/ heder vnd bös geruch
Dis vnd mehr arges folgt mir nach
Der Dichter.

g Zu der fasnacht ich wider sprach
Sag mir du schwerer vberlast
Wie dast kein aug noch ohren hast
Die fasnacht.

g fasnacht sprach ich sich nyemandt an
Keins menschen ich schew noch verschon
Gaystlichs noch weltlichs öber noch vnder
Wann ich bin der welt ein meerwunder
Mich selb ich auch nit sehen kan
Was vbel oder wol ist stan
Ich geh gleych wie ein plindes pferdt
Bleyß die fasnacht hewz wie ferdt
Dergleichen ich auch nichts gehör
Wer sich gleych gegen mir entpör

Mich

Nich straffet schendet oder schmecht
Dem wirdt ich feindt gib im vnrecht
Thu mich gar an kein warnung keren
Bis man mir mit gewalt mus wern
Ich gieng sunst immer fort mein gang
Noch zwey oder drey monat lang
Nun bin ich trieben auß der stat
Da mir das glaidt gegeben hat
Mit grosser klag ein hauffen Narin
Die wöllen alle auff mich harin
Bis zehen monat widerumb
Vergon/das ich dann widerkumb
Vnd sie all thu wider erfrewen
Dieweil habens an mir zu derwen
Mit dem die fastnacht schwach vnd mat
Auff die hoch staynen prucken drat
Vnd thet int Pegnitz einen pslumpff
Das ich sach weder stil noch stumpff
Da liegn vnter der pruck verporgen

Der Dichter beschleust.

Ich gieng hin heim mit grossen sorgen
Gedacht des sprichworts vor vil tagen
Das ich die alten höret sagen
Eint jeden zeyt zuthun jr recht
Das machet manchen armen knecht

Das

Das merck gwislich'inn einer sum
Wenn die Fasnacht herwider kum
Das jederman sich duck vnd schmuck
Das sie jm nit zu viel verschluck
Mit klaydung/ gasterey vnd spiel
Vnd der gleych ander vnkost viel
Daser das ganz jar mit gebrauch
Denn neen muß am hunger tuch
Vnd halben sack den zu muß binden
Bayde mit weißen vnd mit künden
Zum schaden jm der spot auch wach
Warn treulich der Dichter Hans Sachs.



